

Гегән-герлин кӧдлмш кегдджәхш

Сарпинск района Чапаев совхозин 3-ч фермд кесг улс кӧдлджәнә. Эн фермин кӧдләчнр цугъар газет болн журналмуд бичуьлдж авцхала.

Ӧдгә цагт газет, журналмуд 7-8 хонад ирнә. Ферм деер цәәлгъврин кӧдлмш кегдхш. Энунд кӧдлджәх кӧдләчнр болн багъчудт асхнд оч уудврән гаргъдг клуб чигн уга.

Ферм деер сардан нег дакдж кинофильм авч ирнә. Теруьгинь

чигн цуг кӧдләчнрт хәләдг аргъ уга, ягъад гихлә, 20-25 куьнә ормта школин бичкигерт гаргъна, теруьнәс даву ирсн улст суудг, зогсдг чигн орм уга болсар, кинофильм хәләдг аргъ уга болна.

Клуб гаргъдг гер бәәдг болв чигн, совхозин гардачнр эн тӧрәр керг кел уга бәәцхәнә.

Э. НОХАЕВ,
Чапаев совхозин 3-ч ферм.